



PL Sekib, Tokadizade
248 Dervis sozleri
S313D4

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

5025

قاری زاده شکیب

20/181

در ویش سوز لری



ناشری: باب عالی جاده سنده «سهولت» کتبخانه سی صاحبی

همچ لطفی

Şekib, Tokadizade

نوفادی زاده شکیب

Derviş sözleri

درویش سوزلری




ناشری: باب عالی جاده سنده «سهولت» کتبخانه سی صاحبی


سمیع لطفی

PL

248

S313 D4





نعت

جلی هر یرده انوار جمالک یار رسول الله ،
 جهان مشحون عشق بی زوالک یار رسول الله ،
 مأل آموز حقدر هر مقالک یار رسول الله ،
 کمالات اولدی حیران کمالک یار رسول الله ،
 جناب حق کی یوقدر مثالک یار رسول الله [*]

سمو خلقت قدسیه کک حیرانیدر افلاک ،
 علوشانکک برهان بی مانندیدر «لولاک» ،
 کمال رفعت ذاتک دکل کنجیده ادراک ،
 ملکر دیر حضور عزو اجلالکده رو برخاک:
 جناب حق کی یوقدر مثالک یار رسول الله.

علوپایه کک مراآتی «سبحان الذی اسری» ،

[*] بومصرع ازمیرلی فاضل محترم ییچاقی زاده حق بک
 افندیندر .

شرفیاب جمال اقدسکدر بزم « او ادنی » ،
 لقای حکمتک پیرایه دار فیض « ما اوحی » ،
 سنی توصیف ایچون بیلم نه یازسون خامه شیدا،
 جناب حق کبی یوقدر مثالك یا رسول الله.

پناکاه عوالمدر در پر فیض احسانک ،
 الهی بر تجلیکاهی سک الطاف رحمانک ،
 شکوه وشانکک برهان یزدانیسی قرآنک ،
 بوتون سکان ارض و آسمان اولمازمی حیرانک ،
 جناب حق کبی یوقدر مثالك یا رسول الله .





مرثیه

ای شهید اقدس ، ای سبط نبی ذو الجلال !
 کلدی یوم رحلتک اولدق بوتون برکشته حال ،
 قلبمز پرسوزدر ، چشمانمز پر اشک آل ،
 اولدی یاد فاجعه کدن حزنه مستغرق خیال ؛
 زخمدار تیغ بیداد اولدیغک دمدر بوکون ،
 بر دم درد وبلا ، بر یوم ماتمدر بوکون .

قرة العين نبی محبتاسک یا حسین ،
 مفخر آل جناب مصطفاسک یا حسین ،
 وارث شان علی المرتضاسک یا حسین ،
 آم کیم قربان احکام قضاسک یا حسین !

روح صافم یاد پرسوزکله حالا ناله ساز ،
 آم اودملر، آم اوفاجع وقعه خاطر کداز.

بن ناصل اولم سرشك آلود، ماتم بيقرار ،
 خون ايچنده تشنه لب ايتدك بو عالمدن كذار .
 اولسه لايقدر بوكون روح محمد كريبه بار
 اي نبي سيرت ، معاليپرور حيدر وقار !
 سن شهيد اولدك ييقلدی كهبه علیای حق ،
 مشهد كدن اولدی واصل حقه واویلاى حق .

خضم بدمایهك او سفلی ، مفترس خصم اله ،
 خاندان سید الكونینه چوق ظلم ایتدی آه ،
 حقى دست ملغتشكارنده ایلرکن تباه
 چهره قدسی حکمت البت اولمشدر سیاه ؛
 تا بمحشر وقعه دلسوزكك کریانى يز ،
 بز بو حکم جانكداز قدرتك حیرانى يز .

صوائك لرزان ایدرکن خصم بی ایمانکی ،
 کورمش اولسه یدی اب ذی نجدتك جولانکی ،
 دیردی تقیل ایلوب شمشیر خون افشانکی ،
 خلقه پك مردانه کوستردك علو شانکی ،

آفرین ای قهرمان ذی مهابت آفرین ،
دست پر زور که فخرایت سون شو سیف آتشین .

ایتمدک دنیایه ' تنزیل نکاه التفات ،
مرك هائلدن حذر کوسترمدک، ایتدک ثبات ،
اولدی حیران علو اجتهادک کائنات ،
موت پرشانکه بولدک باشقه برفیض حیات ،
سن شهید اولدک شهادت آلدی شان برترین ،
ایتدی تأمین ظفر حقا اوملعون مهین .

ساحه هیجاده ای شیرافکن حیدر توان !
زور عزرائیلی هر ضربه کله ایلردک عیان ،
برق شمشرک ایدرکن خطف چشم آسمان ،
دیردی حیرت لرله حول عرشدن کرو بیان :
رزم شیرانه کله شانک اولدی بالاتر سنک ،
والدک عقباده البت افتخار ایلر سنک .

مقصدک شایسته تقدیس ایدی ، فکرک سدید ،
اولدی هر قولکده ، هر فعلکده علویت پدید ،

خلقه بهت آوردی اظهار ایتدیکک عنم شدید ،
موتی بی باکانه استحقار ایدوب اولدک شهید ؛

عرش نور آکین اجلال اولدی قبر بر ترک ،
فوق ادراکنده در قدسیتک خاکیلرک .

شمدی هریرکریه زار کربلادر یا حسین ،
شیمدی هرسس برانین غمفزادر یا حسین ،
پرتأثر سنده آغلارسهک روادری یا حسین ،
ماجرای حالا اوفاجع ماجرادر یا حسین ! [*]

بز بوکون محکوم یأسز ، پک پریشانزینه ،
آه دمساز انین یأس و خسرانزینه .



[*] بومرثیه بی استانبولک افاضل علماسندن استاد محترم
طاهر المولوی بک افندی طرفندن جیقاریلان «محفل» رساله علمییه
وادبیه سیله نشر ایتمش ایدم . اوصرده وطنمز یونان مظالمیله
ایکله بوردی .



الهی

اولدی منهاج هدی راهم بنم ،
 یوق خدادن باشقه دخواهم بنم ،
 نوردندر قلب آ کاهم بنم ،
 عشقمک برهانیدر آهم بنم ،

وجه باقیدر نظر کاهم بنم ،
 دائماً قلیمدہ اللہم بنم .

ذرملر اولمش برر مر آت حق ،
 آی ، کونش ، انجم بوتون آیات حق ،
 نجہ یوقدر حاجت اثبات حق ،
 هر جہتدن رونمادر ذات حق ؛

وجه باقیدر نظر کاهم بنم ،
 دائماً قلیمدہ اللہم بنم .

هو دیوب ایتدم رحیق عشقی نوش ،
 شو قدن اولدم سراپا شعله پوش ،

حق دیرم اولم خوش ؛

شیمدی یوق قارشیمده بی معنی نقوش ،

وجه باقیدر نظر کا هم بنم ،

دائما قلبمده اللهم بنم .

شوق رؤیتدن کوکل پرنور و نار ،

باشقه برحالتله روحم بیقرار ،

عاشقم ، دستمده یوقدر اختیار ،

اولماق ممکنمی بیلمم جذبه دار ؛

وجه باقیدر نظر کا هم بنم ،

دائما قلبمده اللهم بنم .





الهی [*]

حقه ایصال ایلهین شهراهی بول ،
عالم کثرتده وحدتکاهی بول ،
سکه پوش اول ذوق ایواللهی بول ،
کل حریم عشقه کیر دلخواهی بول ،
ماسوادن ال چکوب اللهی بول.

رهبرک بر مرشد اولسون حقما ،
سن ده ادراک ایت نهدر فیض خدا ،
عارف اول ، سرمست وجد اول دایما ،
قلمه بردم ذوق وصلتدن جدا ،
ماسوادن ال چکوب اللهی بول.

[*] بوابی الہی استاد مو سبوق شاد تآب از میرلی راقم افندی
طرفندن بسته لئمشد.



جناب مولانا نك حضور اقدسنه

السلام ای عظمتپر لاهوت مسیر
حقما طرف اسرار لدن حضرت پیر !
جذب انظار ایدیور جبهه رخشانکده ،
دائما شمشعه فیض خداوند قدیر .
اوله ماز سده اجلا لکه پیوسته نظر ،
ایره مز مرتبه قدریکه ادراک قصیر .
سکا مختص کیدر موقع قدسیته
بومعظم ، ابدی کوکبه عالمگیر .
قالیور پیش نکاهنده سیه بر نقطه
نیر شانکه نسبتله سنک مهر منیر .
اونه اجلال معلی که معظم نامک
هرنه دم اولسه شرفبخش زبان توقیر .
اینر آوازه تقدیس ملائک خاکه ،
خاکدن عرشه چیقار صوت بلند تکبیر .

عکس دیدار که ای شمس الهی پرتو !
 لوح تابان شرف جبهه عرش اولسه جدیر .
 بر بویوک آیت رخشنده حقد ر وجهک ،
 قلب قدسی کهرک کعبه علیایه نظیر .
 حجر الاسود اولور معکس نور یزدان
 نامی لوحه خورشیده ایدر سه م تحریر .
 راز «الا» یی کوروب وجه کمالکده عیان
 ایلدم قلبی تماثیل سوادن تطهیر .
 بکا هر یرده جمال ازلیدر منظور ،
 چشم جانم اولالی سایه فیضکده بصیر .
 مبدأ وصف بلندکده دوشر عجزه لسان
 اولدی برهان کمالک شو کمال تقصیر .
 غبطه بخش اولسه ده حسانه زبان وصفم
 بولام شان سماویکه موافق تعبیر .
 آندیرر معجزه حضرت روح الهی
 نطق پاککده که واردر اوسماوی تأثیر .
 نور حقدن ایی عمان کهر مشحوندر

مغز قرآن ایله دیوان معلای کیر .
 اوپله بر معکس دیدار ازلدن وجهک
 که خیالیه ایدر دیده حقیقینی قریر .
 بوتون ارباب نهی تابع فرمانکدر ؛
 سکا مخصوص بویارای بلند تسخیر .
 سرخامه مده اولور نور الهی رخشان
 هر نه دم شعشعه شانکی ایتسه م تصویر .
 ذره کمتری خورشید ایله هم حال ایتک
 نظر اقدس فیاضک ایچون امریسیر .
 ادب آموز اوله رق سالک روشنکهری
 نشوه انس ایله البته ایدرسک دلسیر .
 ید علیای عنایتله ایدوب رفع نقاب
 چشمی چهره مقصود ایله ایتدک تنویر .
 اولسه معروض نکاه کرمک بر لحظه
 مور بی طاقت ناجیزه کلیر قدرت شیر .
 نار عشقه کله یانان موقع جمع الجمعه

ایریشوب فیض خدادن اولور البته خیر .
 رشحه لطفکی آتشکده لر آلسه اولور
 صحن فردوس معلی کبی شاداب ونضیر .
 او یله بر عشق ایله مربوطم ازلدن که سکا
 جانب اقدس مولادن ایدلسه تمخیر ؛
 ترك ایدوب ملك جهانی اولورم در کهکه
 صدق و اخلاص ایله البتینه درویش فقیر .
 بز مکک محرم بی هوشی اولان اهل حضور
 ایسته مز نشو و سنی صحو ایله ایتمک تغیر .
 دولدی انوار کمالکه فضای روح
 چشم عقلم اوله ما ز ظلمت او هامه اسیر .
 او یله مستغرق وجدم که غرامکه سنک
 کور و نور چشمه کلزار صفادار سعیر .
 سن بنم پیر املبخش و کر مکار مسک ،
 بن سنک در که جود کده مدد جوی حقیر .
 عشقی اذواق بلند یله سن ایتدک ادراک ،

عشقی ادراک بلندکله سن ایتدک تفسیر. [۰]
 رام اولوب جاذبه عشقه اجرام سماء
 دائماً دور ایله ایتدکده سماعی تنظیر.
 تربت پا ککه هر لحظه سلام بی حد
 اولسون ای غوث نبی سیرت خورشید ضمیر.



[۰] هرچه کویم عشقرا شرح و بیان
 چون بعشق آیم خجل باشم ازان

مہتاب مولانا

استغراق

ادیب مولانا پرست ، محرم روح
ووجدانم صالح صائم بك افندی به

چوق کوز یاشی دوکدم بن بو طلمده
دیم چکم دیکم بر جفاء قالدی ،
فقط حقیقی کوردیکم دمدہ
ظن ایتمہ قورقدیغم بر بلاء قالدی .

آلولی چوللرده کزدم ، دولاشدم ،
جهنمدن قومش داغلردن آشدم ،
نهایت درکه پیره اولاشدم ،
غمم یاندی ، روحم پرصفاء قالدی .

بن او وحدتکده اویدم جانلره ،
شراب وصلتله مست اولانلره ،
جذبہ لرله چیقدم آسمانلره ،
فوقده مال کبریاء قالدی .

یانیق یورکلری ایکله دیرکن فی
آتشدن قدحله ایچمیشدم بر می ،
او آنده کوزمدن سیلندی هرشی ،
قارشیمده جناب مولانا قالدی .

سن او بزمه کلده کور عیش ونوشی ،
جبریلی مست ایتدی جام پر جوشی ،
اولونجه ذوقنک بنده بیهوشی
کوزمده نه دنیا ، نه عقی قالدی .

ارنلرک بنده کزدم باغننده ،
نه نغمه لر دویدم هر بوجاغنده ،
باشقه سس یوق ، شیمدی عشق او جاغننده
یا لکز « هو » دین بر صدا قالدی .

وارلغم طوپلانندی نوره بوروندی ،
یوکسلی ، یوکسلی عرشه سوروندی ،
صوکر اهرنه وارسه بنده کوروندی ،
الده مرأت مجلی قالدی .

بر صورتده کوردم دیوی ، ملکی ،
 آیاقلر آلتنده بولدم فلیکی ،
 جهنی صاندم آتش بوجی ،
 جنته میلده بی معنی قالدی .

چهره حکمته دقتله باقدم ،
 منطقی ترك ایتدم ، عقلی براقدم ،
 « هو » بر آتش اولدی کندیمی یاقدم ،
 نه « لا » دییه بیلدم ، نه « الا » قالدی .



الکبر متصوفیندہ، اعظم شعرا دہ یکیشہرک

مرہوم عونى بك ايجونہ

قصیدہ

نجیب، فضیلتمند ادیبز ابوالسعودزادہ

سعود المولوی بك افندی بہ

عونى کہ سرفراز کبار شعرا در ،

لوح دلی آینه الهام خدادر .

مفہوم دہا تاب جبیندہ پدیدار ،

نظمندہ تماثل حکم شمعشہ زادر .

اعجاز اوکا بر موبہ منزل قرآن ،

الہام اوکا بر عاشق فرخندہ لقادر .

طبعجہ ہم زمزمہ دلکش تسنیم

شعرندہ کی آہنک صفا بخشہ فدادر .

استاد سما کوکہ کیم تاب خیالی

رشد آور خورشید بہار اولسہ روادر .

عرفان و ادب مکتب فیضندہ سبقخوان ،
 بابتدہ نہی منتظر لطف و عطادر .
 مرأت مجلای ضمیرندہ دمام
 اسرار خفاخانہ ہو جلوہ نمادر .
 مر بحث تصوفدہ او استاد محقق
 بر قدرت کلیہ ایلہ عقدہ کشادر .
 برخاور حکمتدر اونک طبع بلندی .
 فسحتکہ افکاری دہ مغبوط فضادر .
 آفاق معانیہ جبینندن آقان نور
 الواح معالی یارادان تاب دھادر .
 ہر نکتہ سی بر در کرانمایہ تحقیق ،
 ہر مصرعی بر موجہ دریای صفادر .
 ویرمش اوکا شوق ابدی نغمہ «بشنو»
 بی غایت اولان وجدینہ باعث اونوادر .
 مانند نی جذبہ فزاکلک بلندی
 بر حالت قدسیہ ایلہ نغمہ سرادار .
 ایتمی شوخا کیلری جوشان و خروشان
 تأثیری کہ وجد آور سکان سہادر .

مخصوص اوکا لطف و کرم پیرایه الحق
 بر باشقه صفاء باشقه نواء باشقه ادا در .
 بر مظهر حقدر که او پیر حکم آموز
 خاک درینه انس و ملک ناصیه سادر .
 ای طالب احسانی اومنجی جلیک
 نیل املک چاره سی تسلیم و رضادر .
 کنجیده ادراک اولاماز بحث حقیقت
 دیوانه اسراری گروه عقلادر .
 ای عقلی ایدن بد رقه کعبه مقصود
 ادراک او یوللرده مساعیسی هبا در .
 بر باشقه روشدر بوکه عقلک اوکا قارشی
 اوضاعی جهولانه ، تلقیسی خطادر .
 تعظیم ایله کل درکه ملایه دخیل اول ،
 او کرن اوناصل مرکز اجلال و علادر .
 بر کره ایرن صدق ایله اقبال دخوله
 بر مور حقیر اولسه ده بی خوف و رجادر .
 کیم کیرسه اولور نائل هستی مؤبد
 محکوم فنا و ارسه اودر کهنه فنادر .

هې مفتقرز همت قدسيه پيره
 امراضنه روحك نكه لطفی شفادر .
 هر صوت كرامت اثری عرش هدادن
 بر مژده قدسی ايله عشاقه ندادر .
 لطفيله بكام اولميانك سمعنه افسوس ..
 آوازه ارباب هدی يا اسفادر .
 باق رتبه ارشادينه چشم دل وجاندن
 خاصيتی هر نظره سنك سلب عمادر .
 هر همتك غايه سی آسيب قضادن
 درویش مدد خواهنه تأمين رهاذر .
 بيك جانه دكن جذبه فزانشوه حكمت
 سرمست می عشقنه احسان خدادر .
 عماني كورور قطره ناچيز ايله همحال
 هر كيم كه او درياده صفایاب شنادر .
 تأثير غراميله يانان اهل كاله
 مفهوم فنا دولت عظمای بقادر .
 رشك ايتسه فلك مرقدینك خاكه چوقی ؟
 هر ذره سی برشمس ازلتاب هدادر .

برلمهٔ حقدرد او بویوک عمرش حقیقت
 جبریه مطاف اولسه بو حالیه سزادر .
 مدوحم اولان حضرت عونیه که مسلم
 بر حق ایله شایستهٔ تکریم و ثنادر .
 لطفیه مبشردر اونک ایشته بویوزدن
 لوح دل تا بنده سی بی زنک سوادرد .
 ای شاعر علوی حکمانک ، ادبانک
 قامتیری حرمتله حضور کده دوتادر .
 عمان تصوفدر او دیوان جلیک ،
 هر حکمتی بر کوهر بی مثل و بهادر .
 بی تاب و حقیر اولسه ده اک صاف و صمیمی
 آوازدهٔ تکریم جنانم بو صدادر .
 تقصیری غفو ایله که حیران کمالک
 اجلالکه بر و اصف آزاده ریادر .
 یاغسون دیلرم نور خدا قبرکه هر آن
 صوک سانحهٔ کلک نزارم بو دغادر .





فخریہ درویشانہ

ابن مولانا محترم حسن سعید چلبی افندیہ

تارک دبدبہ دنیایز ،
سرور عالم استغنایز ،
عارف مستثنایز ،
جذبہ عشق ایلہ ہب شیدایز ،

بندہ حضرت مولانا یز .

پیرمزد در بزه آیینہ حق ،
سبق آموز کمال مطلق ،
او ایدر فیضہ بزی مستغرق ،
ہب دیرز یکدل و یکجان اولہ رق

بندہ حضرت مولانا یز .

قونامن کرد کدر بالمزہ ،
نائلز اک بویوک آملمزہ ،
چشم حسرتلہ باقوب حاملمزہ
قدسیان رشک ایدر اقبالمزہ ؛

بندہ حضرت مولانا یز .

همدمز ، یار قدیمز میله ،
 بوزمه‌یز ذوق‌یزی بر شیلہ ،
 جوش ایدوب ساغری‌پی درپیلہ ،
 خیقارز عرشہ نوای نیلہ ؛

بندۂ حضرت مولانا یز ۔

بزه وجد آوراولان بزم سرور
 مست ایدر عاشقی، ایتمز مخمور؛
 میمز ، جام طربزامن نور ،
 قالمہ یز شوق و صفادن مہجور؛

بندۂ حضرت مولانا یز ۔

ایده لی درکھنی جای پناہ
 نشوۂ حکمتہ اولدق آکاه ،
 ایتدی پروانہ بزی نورالہ ،
 ہم دوزہم ایدرز شوق ایلہ آہ ؛

بندۂ حضرت مولانا یز ۔





نه لر کوردوم

سر حقیقه محرم اولونجه ،
بر قطره شکننده عمانلر کوردوم ،
مردان خدایه همدم اولونجه ،
درویش صورتنده سلطانلر کوردوم .

بو کلشنک باقم چیچکلرینه ،
میل ایتم هزار نغمه کرینه ،
بن او چیچکلرده شبنم یرینه ،
سمادن داملامش آل قانلر کوردوم .

قولایجه اینانم ، ایسترم برهان ،
ظاهره آلدانماز ارباب عرفان ؛
کوکلمده کی دزده آرارکن درمان
بن کندیمدن خسته لقمانلر کوردوم .

هر سوزه قانار سهك دوشرسك درده
فلا کتله قالقار کوز کدن پرده ،
دنیا دیدیکمز بوسفلی یرده
جبریله بکزه بن شیطانلر کوردوم .

نه لر ایتدی نه لر بو فلک بکا ،
حیرتده قالیرسک سویلسه م سکا ،
نوحک کمیسنده دکلم اما
اوکادهشت ویرر طوفانلر کوردم .

ییلدیزم دوشکوندی ، طالم کوسکون
مظلمدی ایام حیاتم بوتون ،
ارنلر المدن طوتدیلر برکون ؛
شانلی دملر سوردم ، دورانلر کوردم .

چهره مقصودی کورن بی نقاب
دنیا یی عقبایی ایلز حساب ،
باده حکمتدن اولوب نشوه یاب
دارینی بر پوله ساتانلر کوردم .

باب حق آچیقدر مرد آکاهه ،
جاندن کچنلردر ایرن اللهه ،
حقیقت یولندن بن بو درکاهه
ایستکیله گلش قربانلر کوردم .





غزل

جلوه کهدر چهره مقصوده عشرتخانه من ،
بیقرار ذوق رؤیتدر دل دیوانه من .
اوله علوی پایه رندان الهی یزکه بز
قدسیاندر فیضخواه جرعه پیمانه من ،
بزم انسا انسمز همسایه عرش برین
محرم نادى « اودانى » دکل بیکانه من .
بحر بی پایان فیضز اولسه لایقدر بزم
زینت تاج سما هر کوهر یکدانه من .
طائر قدسی دمن هر دم نوا پرداز هو
زیور نخل تجلیدر منور لانه من .
شمع خلوتخانه قدسزکه اوج عشقده
شهر جبريله فائقدر پر پروانه من .
بز رحیق وحدتك سرمست بی آرامی یز ،
صیحه تکبیریمزدر نعره مستانه من .

غزل

درك ايدن ذوقنى انسيت رندانه مزك
يوز سورر سده احسانه ميخانه مزك .
قاماشير ، ديدة خورشيد نكاه ايله مز
تابش جوهر علويسنه پيمانه مزك .
شعله شمع هدايزكه اولور ستره نور
فوق كوينه ، ديلرسهك پرى پروانه مزك .
دخرا ب غم عشقزله رياض ملكوت
رشك ايدر ساحه پرفيضا ويرانه مزك .
طائر عالم نورزكه روان اقطاب
شوق ايله طائف پيراميدر لانه مزك .
غشى ايدر روحى ارباب يقينك البت
اك كوچك نكته زنكىنى ده افسانه مزك .
عقل ايدر نشوه حكمتله تحرى جنون
اولسه اسرارينه محرم دل ديوانه مزك .





أرنر لساندن

کنج ، مقتدر ادیمز حسن عالی بک افندی یه

نه حالتدر بیلم بز بودنیاده
بلادن ذوق آلمش مبتلارز ،
باشمز سده باب رضاده
توکل اهلنه پیشوالرز .

ازلدن منجلی هدایت بزده ،
اهل استعداد عنایت بزده ،
بدایت بزده در ، نهایت بزده ،
مبدئه ، معاده آشنالرز .

نور ذاتی بولدق هرشیده عیان ،
یانمزده حقه باطلده برهان ،
دم کلدی او قوتدق ناقوسه اذان ،
باشقه بر وادیده پارسالرز .

اهلنه عياند ر بوسوزده کی راز ،
اونی بیلن بیلیر، هر کس آ کلاماز .
یانمزده بردر حقیقت ، مجاز ؛
طریق حکمتده مقتدالرز .

ادراکی حاملز ، قالمز یاقار ،
یانمزدن ایتسون عاقللر فرار ،
آتشدن یاپلش سفینه مز وار ،
بحر حقیقتده نا خدالرز .

غالب کلدک کیروب نفس ایله جنکه ،
التفات ایتدک نام ایله ننکه ،
یکرنکز کیرسه کده کونده بیکرنکه
کیزلی ایشمز یوق ، بی ریا لرز .

دنیا ایله عقبی مسخر بزه ،
ظاهر آ بکررز کرچه عاجزه ؛
حق بول صاریل ده اتکمزه .
کعبه وصل ایچون رهنالرز .





ارنلر لساندن

نصیب آلمانلر فیض ازلدن
یر بولماز مجلس دندانہ مز دە ،
بردها آیلماز « هو » دیوب چکن
محبت جامنی میخانه مز دە .

عارف اول دە ترک ایت بودونبودی ،
بزمزده آرا فیض شهودی ،
دم کلیر کوررسک وجه مقصودی
نور ایچنده دونن پیمانه مز دە .

حق کورمک ایچون کیمه یز طوره ،
محرمز « انا الحق » دین منصوره ،
قلبمز یاقیندر ، باقمه یز دوره ،
« کنز مخفی » بولق ویرانه مزده .

رحیق وحدته قانان ارلرز ،
نادی السقی آنان ارلرز ،

محبت نارینه یانان ارلرز ،
ناپخته بولونماز میانه من ده .

می اولدق ، آتشدن قدحه آقدق ،
صوکر او قدحله کندیمز چاقدق ،
ظاهری محو ایتدک ، باطنی یاقدق ؛
بونلرده وار یزم افسانه من ده .

یکروح و یکتنز ، بیلمه یز خلاف ،
باشقه برفیض ایله اولدق سینه صاف ،
جذبه لرله هر کون ایدرز طواف
یز کعبه یی دل دیوانه من ده .

عالم ذوقمز باشقه عالمدر ،
مستنه حقیقت سری ملهمدر ،
بزه محرم اولان حقه محرمدر ،
اوکا بیکانه در بیکانه من ده .





درویش سوزلری

الهی برمستم ، لقای مقصود
مرأت ساغردن عیاندربکا ،
اونکله حقیقتم ، شو فیض شهود
پک بویوک بر لطف تیزداندر بکا .
جذبۀ عشق ایله جوشدینم زمان
کوکلی صانیرم بر قوجه عمان ،
اولورم کندیمه کندیمه حیران
او حاملده همدم پیراندر بکا .
المدن دوشمین شو جام پر نور
مست ایدر عاشقی ، ایلز مخمور ،
اونکله ایچدیکم شراب طهور
مایه فیوض عرفاندر بکا .
جبریلی غشی ایدر رباب قلبم ،
حقک نداسیدر خطاب قلبم ،
حرمتله اوقورم کتاب قلبم
نور ایله یازلمش قرأندر بکا .

محبت یولنده چکدیکم جفاء
 سماوی روحه بخش ایدر صفاء .
 اونکه پروجدم درد ابتلاء
 ربمکن اک بویوک احساندر بکا ،
 عقل ایله منطقه بر زمان قاندم ،
 کولکهی وجود حقیقی صاندم ،
 وارلق یوقلق ایمش شیمدی ایناندم ؛
 یوقلقده کی وارلق برهاندر بکا .
 شئون عالمه دقله باقق
 ادراک درستی یاقار محقق .
 بنی عاقل بیلن آلدانیر مطلق ،
 دیوانه دیمکده بهتاندر بکا .
 رند قلندر یوقدر بونده شک ،
 نازینی چکه مم ؛ آکلاسون فلك ،
 جهنمده یانمق منت چککرك
 جنته کیرمکدن آساندر بکا .





درویش سوزلری

غرق عشقیم که غرق است اندر این
عشقهای اولین و آخرین

مولانا فنون حضرتلری

باش کسوب ده کیرسون درگاه پیره
آرایان کعبه علیای عشقی ،
کوستر لر مرد روشن ضمیره
ذات مولاناده مولای عشقی .

بن او وحدت کعبه کوزمی آچدم ،
حق .. دیدم نقوش سوادن قاچدم ،
یوکسادم ، ارواحه نورمی صاچدم
بر آنده دور ایتدم فضای عشقی .

هپسنک باقیدر ذوقی وجدانده ،
نه لر کورددم نه لر بزم عرفانده ،
نخل تجلی یه دونددم بر آنده
تقدیس ایله کیوب ردای عشقی .

ای بویوک ذوق قدر یا تمق ، طو تو شمع ،
 آتشدن قور قوم یوق بو ر لطف حق ،
 جهنم کور سهیدی اور کردی مطلق
 کوله رک کچدیکم حیرای عشقی .
 نصیم بویو کدر فیض قدر تدن ،
 کوزمده اثر یوق خواب غفلتدن ،
 وجده مستغرقم ذوق رؤیتدن
 عالم بنده کورسون صفای عشقی .
 وجود صوریمی ایتسه مده افناء
 درد مهلکمدن ایتیم اشتکاء ،
 اونکله مسعودم ، خرم اصلا
 ایسته م ، ایسته م دوای عشقی .
 بو عالمده حقله حق اولان مرده
 بر اودر کورونن سباهه ، یرده ،
 کوزلر کده یوقسه سنکده پرده
 کل سینه مده سیرایت سینای عشقی .
 حقی کورن ذوق جاودانییه
 ایرر ، محرم اولور بو معانییه ،

مخاطب ظن ایتمه « لن ترانی » یه
 « ارنی » دیمه ین موسای عشقی .
 دنیا یه میلم یوق قالم جدلده ،
 نیل امل بنجه ترك املده ،
 بر مست بی هوشم ، بزم ازلدده
 قانه قانه ایچدم صهبای عشقی .
 ملجائمک فیضی کلمز تعبیره ،
 بر مورینی ویرم بیکلرجه شیرده ،
 کوکلم محیط اولدی باق لطف پیره
 کونینه صیغمیان دریای عشقی .





درویش سوزلری

نشوؤه حکمتی بزم صفاده
غریق وجد اولان یارانده بولدم ،
اک علوی فیضیله عشقی دنیاده
باب مولانای بولانده بولدم .
کتاب دلمه کی آیاتی کوردم ،
دیداری کوسترن مرآتی کوردم ،
زبوری ، انجیلی ، تورانی کوردم ،
لب حقیقی قرآنده بولدم ،
هر نزمیه باقسم کورونور خدا ،
بر نفس ده حقن دکلم جدا ،
بن قلبمده ایتدم عرشی تماشای ،
قرآنی ده لوح وجدانده بولدم .
دولاشدم مسجدی ، دیری ، کنشقی ،
تمیزه چالیشدم خوب ایله زشتی ،

دنیاده آردم ذوق بهشتی ،
 یالکز نادى عرفانده بولدم .
 مرشدم دیمشدى : طوتدك پندی ،
 آياغمدن كسوب آتدى بندی ،
 قوشوب كیردم بزم عشقه ، كندی
 بر نوره مستغرق عمانده بولدم .
 شعر مدرائینی رباب عشقك ،
 ذوقیله پر وچدم عذاب عشقك ،
 شرح رنگینی كتاب عشقك
 كوزومدن دوکولن آل قانده بولدم .
 نفسده قاووشدم طوره ، کلیمه ،
 بیكانه دكلم علمه ، علیمه ،
 التجا ایدنجبه قلب سلیمه
 آرادیم شیئ بر آنده بولدم .
 بیک جانله مشتاقم وصال یاره ،
 دوا آرارمییم جسم بیمار ؟
 غایه اذواقی وجه دلداره
 باقهرق جان ویرن قربانده بولدم .

پیرمدر مقتدا ارکان عشقه ،
تفسیری او یازدی فرقان عشقه ،
حق ؛ منقاد اولوب فرمان عشقه
ناریمی نور ایدن سلطانده بولدم .





خوش کور

نظرايله ايتيرى بازار ايله کوتورو
ياراديلانى خوش کور يارادندن اوتورو
بونى امره

آجى سوزلرکله روحى صيقمه ،
لطف ايتده شومست خدایى خوش کور !
کوکل برکعبه در کل اونى ييقمه ،
کریم اول ، ايتديکم خطايى خوش کور !
درد عشقى صانمه اهل فن بيلير ،
دلى کوکلم کبی ناله زن بيلير .
بويله نه دن مستم مست ايدن بيلير ؛
طعن ايمه چکديکم صهبايى خوش کور !
بيليورسك يوقدر برشیده ثبات ،
بيوفا دنيايه ايمه التفات ،
سنلك ، بنلك نه در رؤيادر حیات ،
اويان اوقورقولى رؤيایى خوش کور !

رها بولان یوقدر حکم قضادن ،
چالیش ، بی فرق اولسون قلبک قضادن ،
عارف اول آیرله باب رضادن ،
سکا حقدن کلن بلایی خوش کور !

تواضعی سوده صورتده پست اول ،
غم چکمه ، رحیق حکمتله مست اول ،
دیدینه بی براق ، صفا پرست اول ،
یارانی اینجیتمه ، اعدایی خوش کور !

حاکملر بوغوشسون سن دوراوازاقده ،
یالکز عبرت آل دقتله باقده ،
دم کلیر باریشیر هپسی طوپراقده ،
بوکون دوام ایدن غوغایی خوش کور !

حریم قلبکده صاقلا دردیکی ،
خلقه کولر کویستر روی زردییی ،
کیمسه یه دیوورمه آه سردییی ،
صیزلانمه چکدیکک جفایی خوش کور !

مرد حق مردان حقه عياندړ ،
 اونلرك كوردیې سكا نهاندړ ،
 اُورنك معناده بلسكه سلطاندړ ؛
 شوكلخنده ياتان رسوايې خوش كور !

حكمته قارېشمه بوندن حذر ایت ،
 صاقین فرعه باقه اصله نظر ایت ،
 دیکنلی یوللردن قولای کذر ایت ،
 شو جهنم کې دنیایې خوش کور !





کو کلم

مقدسدر تمائیل سوادن دوراولان کو کلم ،
تجلیزار مولادر فضای نور اولان کو کلم .
سماوی بر جهانک کعبه ویرانیدر الحق
جناب حقه هر دم ناظر و منظور اولان کو کلم .
اونک اذواقی صیغماز عقله ، بر مست الهیدر
نم نالان درد عشق ایکن مسرور اولان کو کلم .
تجلیساز ایدر هر پارم سندن وجه باقی بی
ید قدر تده بر آینه مکسور اولان کو کلم .
اولور هر آه پرسوزیله اهل حاله وجد آور
حریم عشقده هم ناله منصور اولان کو کلم .
دکلدر آشنا رمز جلیل « لن ترانی » یه
کلم عشق ایچون وصلتیا بر طور اولان کو کلم .
نه طالیجاهدر شاهانه عرض افتقار ایتمز
بنم درگاه مولاناده کمتر مور اولان کو کلم .



وحدت

هر شیده ظاهر آثار وحدت،
ایتمکدهیر، کوك اقرار وحدت.

اولش مظاهر بر وجهه مرات
کثرت ده ایلر اظهار وحدت.

امواجی پك چوقلکن دکنز بر
عاقل ایدرمی انکار وحدت؟

ایلر لسان حالیه اشیاء
اللهه قارشی تذکار وحدت.

دقتله سیر ایت ! دنیا دگلی؟
حکمتله مالی بزدار وحدت.

تعداد ایدلمز اشکاله کیرمش،
ایلر تجلی دیدار وحدت.

پروجد وشوقم اولدم ازلدن
سرمست جام سرشار وحدت.

الله بر در یوق بونده شبهه
 لکن بیلنمز اسرار وحدت.
 هر ذره مهر پرتاب حقد ر ،
 هر قطره بحر زخار وحدت .
 ذکر خدادار الحان شوقم ،
 نغمه مله پر در کلزار وحدت .

قطعه

ایدر کن صوت فی ارواحی اعلا عرش اعلا یه
 ناصل ایتمز تجرد ماسوادن هر دل آگاه؟
 او محرق نغمه لر تنظیر ایدر کن ناله قلبی
 صماخ جانه پروجد و صفا هر ذره دیر الله.

فیثائی ۱۵ غروشد

(سہولت) کتب خانہ سی طرفندن طبع ونشر اولنان کتابلردن		
غروش	اسامی کتب	اسامی
۱۰۰	قادین قلبی	صفوت
۵۰	زو الی نجات	»
۲۰	کولار	خالده نص
۲۵	بحران کیجہ سی	سعاد درو
۶۰	استانبول حکایہ لری	پیامی صفا
۴۰	اوچوروم (دارالبذایع) ک	ارطغرل
۴۰	بورا (» » »)	ا. غالب
۲۰	عشق و اہانت	لئون تولس
۵۰	تائیس (آناطول فرانس) دن	نصوحی اس
۴۰	کیجہ یہ عاشق	سلامی ع
۱۰	شفیقہ (۳ پردہ لک تیاترو)	عبدالخلیم
۱۵	کولمک نہ درو کیمہ کولیوزز؟	ا. شکیب
۲۰	طولار و یتیمار	ہاشم سامی
۱۵	زہر فسون (مجموعہ اشعار)	م. حیرت
۱۰۰	تاریخ تجارت	محمد کنعان
۵۰	آنقرہ و آوروپا سیاستی	ہابل آدم
۲۴۰	آشچی مکتبی	احمد شوہ
۱۰	چیلغین عاشق	ممتاز بک



Sekib, Tokadizade
Dervis sozleri

PL
248
S313D4